

მოდალობა - Modality - Модальность (ლათ. modus *საზომი, სახე, ხასიათი*)

I. ვიწრო, ფსიქოლოგიისთვის ტრადიციული მნიშვნელობით: ხუთი **გარე შეგრძნებიდან** თვითულის თვისებრიობა, განსხვავებული დანარჩენი ოთხისგან: **ობტექურ-მხედველობითი მ**, **აკუსტიკურ-სმენითი მ**, **ჰაპტურ-კინესთეტიკურ-შეხებითი მ**, **გემოს მ**, **ყნოსვითი მ**. ეს ორი უკანასკნელი იმდენად მჭიდროდაა შეკავშირებული, რომ ხშირად ერთად განიხილება:

გემო-ყნოსვითი მ.

II. ფართო მნიშვნელობით: ზოგადად – თვისებრივად მსგავს განცდათა ჯგუფი, რომელიც ასევე თვისებრივად განსხვავდება სხვა ჯგუფებისგან. ამ აზრით **ზოგად ფსიქოლოგიაში** შემდეგი ძირითადი **მ**-ნი გამოიკვეთება: **სენსორულ-შეგრძნებითი, პერცეპტულ-აღქმითი, მოტორული, სენსომოტორული** (ეს მეოთხე პირველი სამის გამაერთიანებელია); **კოგნიტურ-სააზროვნო, ვერბალურ-ენობრივი, ემოციურ-გრძნობითი, სოციალური, პიროვნული, მოტივაციურ-ვოლიტურ-ნებელობითი.**